

T5484/3122 (16)

L 16

34855

舟阻燕磯喜漁村張大見過以詩饋予北上隨

次原韻留別

舟阻磯邊日抵年欣承友過續詩緣漁臨上水無空  
網僧佔名山不費錢醉石渾如龍出峽征帆迅若驥  
奔泉一聲笛吹梅花落翻動江風白雪篇

青山頭避風看操作

一刻風狂浪萬橫讓牠過去再前行紅招旗影鎔烟  
白威鎮青山獨角營

過黃天蕩感而賦此

來往船篷轉脚繩黃天無岫可先登浪翻五尺花如  
雪風緊一時葛似冰

曉出沙漫洲

滾滾江天不自由蒲帆喧掛亂沙洲昨宵酒興呼風  
轉今曉蟾光擁舵流樂極惟歌前赤壁旣餘忽見古  
揚州何人岫上橫羌笛吹出黃岡碧樹秋

揚州

好風吹我到揚州正可偷閒復舊遊說與他人渾不  
解廿年前有記青樓

韓侯釣臺

登壇教語握神籌漢業纔成國士休爭似嚴陵江上  
水一竿煙月老羊裘

漂母祠

順過祠中仰面看白裙布襖鬢雲殘跨夫如忘饑難  
忍焉有千金飯一餐

午日舟次烏沙河作

南風早晚催葛衣乍雨乍晴換炎暉白雲淡淡麥秋  
至黃埃漠漠鶯花稀柳陰茅屋蘆編戶葵艾幾株好

園圃東村西村小女兒螺髻拖纓挿絨虎狗大疲驢  
背紅裙角黍枇杷滿藤簾喧闐競渡大堤東彩旗搖  
拽鼓逢逢長筇團扇相雜沓歌呼嗚嗚樂無窮去年  
此日雖株守端陽風味無不有當牕新簇石榴花隔  
墻佳釀鶯黃酒今年此日河漢游足寄飛帆不自由  
獨坐曉風對殘月方知一日如三秋男兒輕易辭故  
里不到艱難不變色從來浮梗老大身夢魂能否風  
流極謾把江亭悲短長且斟蒲酒割愁腸來朝未卜  
臨何處一曲狂歌送夕陽

渡淮水

莫愁曾慣買芳春何因蓬牕白髮新明月有情來照  
我好花無義不隨人風掀逆水愁穿膽雨鬧危堤淚  
入唇曉望南天雲漠漠獨憑帆影渡迷津

過清江訪卧雪上人

蒲團一擲白雲關六十年來鬢不斑華岳有時飛錫  
去清江無事渡杯還栽花傍水因留月刻竹成樓為  
看山甘露門開談妙理點頭頑石豈真頑

過天妃閣醉吟

竹几紗牕繫古槐夕陽正對舊書堆半瓶橋酒一時  
醉雙頰桃花七月開冷笑儘教皮外去閑愁不許夢  
中來隨人說盡前川遠滿拽蒲帆未肯回

聽水聲一絕

未穩天妃夢崩騰亂客心只疑山虎嘯莫辨水龍吟

舟次新河得順風作

一直南來送客風樓船飛走若騰空慢誇列子穿雲  
處堪傲王猷入剡中楊柳索詩隨岫綠菱荷近酒映  
杯紅就魯買得如梭美也欲披蓑髮任蓬

晚過宿遷運河作

奔溜黃泥水茅簷四五家小山無處買明月不能賒  
難得河邊草空思夢裏花終朝何所見墨色惡聲鴉

寤灣望黃河東岫小山

自別清涼上客舟夢魂無處不生愁今朝瞥見遮楊  
柳莫怨輕離又怕羞

訪朱六典

忙呼舟子暫停舟跳上寤灣訪舊儔不意又遷河北  
去河兵遙指戴家樓

舟泊濟寧天井閣喜遇田鳳儀汪建伯隨招賞

南池荷花無奈舟開甚速以詩謝之

南池荷自好言念我心涼清擬湘妃操紅思越女妝  
及時呈雪種托水湧天香只恨船開速須臾各一方

清河舟中

綠樹陰濃風景殊青帘招處有紅壚船因水漲應知  
活人到囊空不覺愚幾本破書為好伴半甌熟粥勝  
香酥暑蒸直向前川去問我行藏一字無

謁仲廟

賢哉仲夫子像貌凌高秋佩劍儀誰若乘桴志與侔  
獄平齊至聖纓絕衛諸侯瞻拜祠簷下松風晚更遒

夏日舟次沂山湖坐舵樓納涼小飲作

新篳柏酒鷺兒黃瀲灩一杯滑辣香明月不知吞幾  
許清風只管吹疎狂蟬聲咽咽已殘夜樹色矐矐如  
故鄉不是主人能醉客夢魂無路到山莊

過沂水

浩浩盈盈照眼明塵襟到此豁然清屏開嫩碧千山  
遠天割輕烟一水平楊柳搖將孤島色鶴鷓啼出野

蒲聲遙看童子堤邊浴彷彿當年春服成

過南陽

高捲湘簾開碧窓琴書伴我渡蒼江倦來不忍方牀  
卧為看鴛鴦鳥一雙

舟中排悶

楊柳青青影入簾蟬聲送客客愁添借人瓦鴨燒黃  
肉買我桃笙試黑甜枕上且尋千里夢夜深再放半  
牕蟾前程莫講難停泊欲採茅簷掛酒帘

苦旱忽得大雨作

雲拖日脚燭山阿溽暑炙人煩惱多先甲三日雨乍  
梭枯苗未醒奈愁何天公今復憫嘉禾飯後風來戰  
綠荷濃雲潑墨雨滂沱溝壑潺潺爭瀉河一洗沉悶  
陰陽和雨歇田田綠於蘿桔槔各任發嘯歌屈指平  
疇十日過書生縱不披煙蓑苦樂同心無差訛農夫  
釋耒豁愁魔我今相見漫相呵披襟無事且婆娑心  
曠神怡莫知他亭前喜雨憶東坡鳴蜩噫噫助吟哦

舟中閒吟

修竹窈前妙入神名花歌底欲爭春江湖六月天如



火只有垂楊救得人

夜半獨坐船窓感賦一古

一杯酒送殘陽墜竹簟如水引人睡日間多少笑中  
愁盡付勦勦仰天鼻夜深風雨西北來奔騰驚作魚  
龍戲狂風亂捲斷腸聲急雨大洒窮途淚挑燈獨坐  
倚牕聽省我七月秋涼思四十餘年淡蕩人如今方  
識艱難字

浴盆得一絕

欲去紅塵垢團團日日新自從三握髮不見洗心人

夏至日舟中即事

朱明光景老朝日射瓊輝襟襪沾名路風流垂釣磯  
火雲蒼狗變紫燕小雛飛不碍芒鞋破何妨蒲扇揮  
一陰猶渺渺初伏已依依家遠天時別晝長心事違  
涼棚時媚娜茉莉暗芳菲獨坐低欄下無言看酒旂

船內苦熱

六月空江淡著紅竒峰雲漢畫圖中薰風扇出榆檀  
火畏日吹成餽蝕籠謝氏綃衣渾似洗石家水井也  
無功晚成枕簟船頭卧安得清涼大碧筒

秋日舟中閒吟

夏日乘風過騎秋擊楫言柳穿枯客眼浪走濕征魂  
一鷺依蓑立雙魚脫網奔天然摩詰函月印水環村

張家灣下船

征帆剛落整征鞍不作從前坐井觀五月自南愁跋  
涉三秋到北喜平安家書有夢昨宵讀客缺無心今  
曉彈試問執鞭人識否在朝誰是得

君歡

通州道中

驟車三輛逐沙堤遙望南天抹草齊無意逼人秋色  
冷不情催宿夕陽低黑投野店談更兔白卧泥林聽  
曉雞旅况此番難寫出欲彈清淚向誰啼

喜見都城樓作

翼如直與紫霄摩龍馭還從此上過五色星輝懸匾  
額九重雲氣接山河賓觀

聖地衣冠茂人擁

皇圖輻輳多可喜樓頭連化日照臨億萬起巖阿

京師中秋漫賦

碧落浮雲淨虛空滴晚涼鳳城秋色滿仙闕桂花黃  
月裏一團水風含百和香當窓橫匹練隔樹度霓裳  
靜坐傳神遠清光引興長有樓昏入画無客不飛觴  
拄杖何須擲深宮盡巧粧草茅聞見少翹首望槐楊

秋日登陶然亭作

一路蕭蕭蘆滿汀小嵐聳出陶然亭及塔便與紅塵  
別憑欄能使醉者醒危樓入雲晴可望曲軒穿樹雨  
好聽

北闕隱約虎頭画西山不朽翡翠屏老僧又愛栽花竹冷

香黃菊插古瓶坐得一日是兩日朝好餐霞夜摘星  
愧我瘦沈無妙句秋風空送芷蘭馨

寓所感吟

短髮蓬頭日夜搔扶桑樹杪一枝巢行來不得桃源  
路歸去寧教泉石嘲悲菊有花空歲月捩鬚無客論  
推敲江湖悞盡人生夢坐看風沙捲物拋

九月朔日曉坐感吟

秋來屈指近重陽簾捲窓含景物涼昨晚醉眠橫桂  
艇今朝詩貯佩萸囊遙遙樹影移昭德隱隱鐘聲出

健章回首關山歸路杳髮毛自此便蒼蒼

重九前一日京師大雪

家鄉此刻正追歡采菊東籬石劍攢只欲持螯陪客  
醉那知披氅觸人寒日邊萬樹肥無瘦空際千花片  
有團寄語親朋如不信可聽鴈叫雪漫漫

偶感

于今寒暑日營營何致當年入錦城黃卷搜窮貪轉  
運青燈挑老耻埋名鞋通路被狼牙金盡門交虎  
口橫不必再求奇巧事夢中已得酒頻傾

聞景陽鐘

絕近蓬萊縹緲峰風波不定怯萍蹤夢中一振蒲牢  
吼疑是雞鳴寺裏鐘

秋日同曹彩章過御河橋得六絕

枯荷聲冷桂香溫不亞江南黃葉村我輩自明秋易  
老幾回塵眼識仙源

僧幡束塔亂沙鷗山斷雲連水自流忽聽法螺聲吹  
出何須爭羨古瀛洲

海南海北景無邊

橋南名南海橋  
北名北海故云

多少樓臺殿碧天但願承

恩為供奉不求圖像掛凌煙

名韁利鎖兩忘非得得提壺覓蠓肥好近永安呼月  
飲鐘聲塔影鴈南飛

紅葉隨鴉點樹顛黃花款鶴舞籬邊深秋物色猶如  
此况在春三二月天

心事從今托泛鷗詩情此後任眠牛欲歸還倚橋欄  
立貪譜金鰲玉螭秋

秋郊閒步

秋晴又手出景點話難窮野店新醅熟荒籬晚菊叢

山俱拂淺黛樹盡染微紅不盡歸來興吟成試烈驄

燕臺秋興八首

天迴直北作長安萬里西風逼塞寒曉澗山河吹角  
裏秋高宮闕卓旗端愁招獲鯉思鄉遠夢與孤鴻說  
路難蕭索黃金臺畔黃金蕭索有誰看

試想瀛臺考不收壯懷空賦

帝京遊玉泉山掛青松冷海子城圍白草秋名利兩途  
迷黍谷古今一夢過蘆溝欲尋前宿同誰醉無復笑

蓉舊酒樓

漫從沉醉笑荆軻為問魚腸意若何  
捲地黃塵封大漠垂天赤浪下  
渾河鬪餘錦袋收鴉鳥獵罷腥裝載  
橐駝似憶前朝興廢事十三陵上晚鴉多

薊門煙色接林臯涼翠蔥蔥尚似袍  
九月風光香菊酒重陽天氣艷花糕  
知音漫過彈琴峽乞米空嗟護  
國漕剩有枕邊飛劍利寒芒夜共玉峰高

萬足浮雲捲白紗振衣高眺夕陽斜  
策堪濟世饑中粟文欲醒時醉後茶  
南溟長鯨羞涸轍北遊喪犬覓  
誰家伊人秋水今何在無限相思冷碧葭

蕭蕭商氣動遐思悵望中原何所之  
嶺聚千楓丹鳥葉塘空萬柳綠鶯枝  
石經鈴吊姚師塔柴市風呼文  
相祠欲葺茅廬深處卧等閒原不辨龍螭

寒帶邊聲入鴈羣江南客思正無垠  
沙連落葉黃千里鬚染飛霜白幾分  
不管松荒天壽月只從風走涿  
州雲居庸北控嘶秋馬腸斷當年夜半軍

龍岡鳳嶺画屏開藍透晴空絕點埃  
五色露凝新闥苑九光霞托小蓬萊  
橋通一水飄紅葉門冷三公落  
碧槐何處笳聲吹夕照烏頭已白在燕臺

對菊

良夜金蘭坐講堂  
撚鬚人伴菊花黃  
詩成好句忙呼  
酒月染寒香  
不出廊四壁  
虫吟增客興  
一聲鴻唳寫  
秋光幾番醉  
作推敲勢斜  
倒欄干夢也狂

不寐

一卧葫蘆數十秋  
愧他載舞出山流  
俄當颭地風吹  
夢况復盈牕雨  
打愁白社未能消  
砵礪青燈久已悞  
淹留四方本是男兒志  
故在

神州日夜遊

聽法源寺曉鐘集句

蕭寺迢迢振海鯨查廣居晨光初曙未分明陸景龍驚回客夢  
家千里丁復敲落禪林月五更張翼紫逐颭輪傳遠近宋處仁  
緩會金氣發鏗清張翥故人驄馬朝天去實年待漏猶聞  
百八聲游莊

紅葉

多藉霜娥力精神  
晚更奢覆山錢氏錦  
留坐杜公車  
獨殿三秋色偏爭  
二月花夕陽堪  
画處都映野津涯

題徐卓夫秋壑聽泉圖小照

銀龍一道天上來崩崖激石殷如雷直下灑迤三萬  
丈飛流縈折百千洞羣山夾束湧寒碧雲出無心留  
白跡石上坐者伊何人科頭秀面神采異貌仙仙心  
閑閑徐孺子方少年短衫脫洒盞一肩別有胸中一  
洞天不開手卷不理絃心心意在流泉兩樹梧桐  
兩樹松影射烘晴小樹紅行雲流水自環遶蕭蕭助  
籟響連空都化泉聲滿幽耳杳然收入無聲中吁嘻  
及今無鬚早須有願看取画外人豈長画中面流光  
如水不能停頃刻黑頭將白變何不海上會成連吸

取銀河光一線桑田無影尾閭乾崑崙頂上笑相見  
否則出君琴舞我劍彈青雲掣紫電翻然騎龍同下  
山幻為霖雨遍人間功成拂袖歸來時再聽潺湲尚  
未遲

憶內

昨宵纔到北通州一路風光我盡收想起室中離別  
意向南直上最高樓  
對鏡可憐鬢漸白攤書却喜眼還青隔牆誰唱思夫  
曲思婦征人不忍離



于今得酒且孤斟  
壁上篝燈惹恨深  
獨照長衫招破  
處教人無線又無針  
腰間未解古青蛇  
跨下猶存小玉花  
不道長安偏滯  
我片雲回首又天涯

秋雪

忽然吹雪早秋天  
一夜淒涼夢不前  
疑是蘆花憐我  
冷輕輕飛絮到愁邊

訪友不值

無事扣山齋  
閒雲正繞階  
童回敝主出  
為覓酒如淮

冬至前一日觀郊天陳設盛典

帝德齋三日 天心動一陽  
圜丘修錦繡 野老感

虞唐 精氣南郊遠 神光 北闕長旌旗搖 日

月繒綵托圭璋 五象瓶皆寶九 龍車盡香犧 牲列  
古鼎琴瑟取空桑 田燭家家煇 山歌處處揚 白麟雖  
未現 誠敬仰餘慶

朔風吟

北地朔風颭飛沙  
滿四郊 空房疑鬼怪  
落木認痰哮 隔絕膏梁子  
追隨貧賤交 可憐裘已敝  
少與論推敲

同人以冬至索賦

佳節逢冬至 皇都便買春雲書祥瑞筆黍薦太平  
民竹管調陽律雷鼓降吉辰衣冠賀亞歲車馬動芳  
塵好耐柏松冷將看梅柳新杜門休笑拙齋戒掩羸  
身

臘八懷故鄉風景作

臘八江南好家家瀟酒香兒童糜揀食

糜內有各色菓品兒  
童慣揀食之故云

婦

女水爭藏不少梅花屋還多松子岡書龕研究處推

出沈三狂

立春前一日寓所吟

旅門無事畫常扃拈筆閒題小画屏隔院竹枝挑竹  
笛就鐫茶椀薦茶經不愁清曉雞催枕生怕黃昏鬼  
入櫺筒裏有錢占一課春來能近

紫薇星

沙河道中作

欲雪天邊啼亂鴉征人思殺兩梅花

江寧城北大佛庵內有紅  
綠梅花兩大樹約有千年

此

愁何處能消遣惟入當爐賣酒家

十二月十五夜月吟

一樣光如水三分色帶春從今圓滿花鳥欲翻新  
雲從弟留予坐夢花山房守歲索賦得七絕十

首隨書於壁上以消寂寞云耳

一身漂泊在燕臺臘欲殘時春已來不肯向燈輕落  
淚明燈向我更花開

峻嶒傲骨懶逢迎靜坐喧聞春竹聲欲借酒兵三百  
萬攻開心地一愁城

可笑當年賈島風徒勞酒脯祭詩窮須知世事如碁  
子總有輸贏在局中

為問梅花何處尋不如開卷伴孤斟英雄多少歸流  
水未了英雄一片心

何至嗔眸不識了挽弓百石出飛翎明朝卜問風雲  
氣七尺空閑在旅亭

命蹇時乖不我欺聽他旁話太離奇只緣未信風能  
轉吹上瓊林第一枝

滾熱京師住冷人寂然守歲見天真披裘且卧西山  
雪欲結南柯一好因

書聯日夜為人忙不暇煨水解渴腸却笑牡丹三五

朶全憑火力盜天香

街頭到處有年華  
生色桃符艷萬家  
南北兩京何寫  
遠羈人一夜  
抵咨嗟

此生未得跳龍門  
不若持竿坐柳根  
料想春紅今有  
信一時花暖聽蜂喧

同伯岳梁漢翁至安化寺看菊得二絕

挈榼提壺訪菊花  
相邀長者過僧家  
屠牢幾杆催新  
句寶蓋層層幻綵霞

三秋霜冷萬虫吟  
似頌遲開現在心  
不是羣花供笑

賞可裝大士一身金

咏柳確

不入山窠入水窩  
繩牽手底作風波  
旁人莫笑多顛  
倒顛倒而今世事多

夜行一絕

一寺磬當門  
孤燈水抱村  
馬嘶枯草折  
何處守王孫

雪霽

天和曙色曙蒼蒼  
宋色霽景分明照上方  
丁復丹鳳聲中  
朝絢綵韓性燭龍影裏夜生光  
甘立欲題梁苑摩空賦  
李垣

又入盧家妬玉堂李商聞說大哉天下境危素象王宮殿

倚殘陽李才

梁鳴和火內兄索題月竹圖

自生勁節拔雲高獨抱虛心任月挑直待化龍天上

去滿天風雨聽滔滔

野地吟

雲外誰憐鴈影孤籬邊我愛菊情疎欲尋相與敲詩

者問遍仄蓬不讀書

雨中送李體乾歸金陵

把杯餞別雨絲絲欲唱驪駒有所思歸去逢人休話

我我今無計學肥痴

中秋夜宿宏衍庵同曹闇章閒話

蹉跎歲月又中秋且借僧林話一休話到無聲虫接

語更添爾我兩心愁

同李象南話舊一律

結交三十載失意兩心知豈盡不如世皆因錯過時

荷殘魚去遠菊老蝶來遲偃蹇尋常事何勞著五悲

贈朱龍泉

料得長安士多年盡識君書同王內史詩敵鮑參軍  
簡朴還存古清狂更出群眼前塵俗事從不與知聞

憶家園合歡花

夜合栽培三十春而今赴北夢傷神枕邊兒撿花枝  
舊帳底妻斟酒味醇心碎綠陰空濶別情纏紅絮尚  
依因他年自有歸園日珠絡馬纓綵共新

楊茂林索題判官圖

弩目劍眉何為者寬袍大袖比儒酸鬼魅紛紛判不  
盡天庭用爾作何官倒垂手版覩紅蝠鬚動西風帽

帶寒寄與主人高掛起月黑宵深且試看

雨夜同譚柳泉小飲

雨氣侵窗夜欲闌挑燈還自整杯盤可知酒癖和詩  
癖學唱儂家七返丹

同舒禹弼至愍忠寺看秋色

五綵斑斕葉作花不知蕭寺也繁華寶幡直射龍宮  
日珠蓋層披鷲嶺霞種自飄然來漢苑根方卓爾立  
僧家相看漫道秋容淡鴈影藏鋒畫絳紗

中秋夜坐宏行庵對月感吟

歸去來兮話枉然又逢秋半且逃禪座中對客空彈  
缺醉後添杯直忘錢解事鬢頭僧獻果投機留影鴈  
題箋桂花露濕香風冷吹我煩襟月自圓

朝暉

日出扶桑望轉遙范攄海霞蒸赤麗層霄凌雲梧岡灼彩

鳴雙鳳王維蓬島騰輝駕六鰲崔峒谷口烟雲朝掩映崔署

空中樓觀曉招搖虞伯生真仙福地多幽賞張翥少室山人

索賈高韓退之

賦得河海不擇流

坎精宣大化翕受德惟虛若辨河靈窟難窺海若居  
異津包島嶼竒港會溝渠萬里連星宿千秋貫尾閭  
遠涵全不隔近滙復何淤涇渭無清濁沙潮有吸噓  
榮光澄碣石瑞氣宴歸墟

聖量同容納源通天一初

梅雪月清高

西樓西畔桂堂東李商隱開遍梅花野趣同岑參不是春回

庾嶺夢張籍却疑身在廣寒宮胡宿天孫剪落銀河水章元

宮女歌殘玉樹風僧皎然幾度巡簷頻索笑馮海怕聽羌笛

月明中

姚鵠

人日雪二律

欣逢今日雪交加，特為斯人報物華。  
過歲七天飛玉蕊，迎春五出闢梅花。  
漫侵愁髮催吟硯，直印遊踪到酒家。  
淡寫西山餘畫意，疎林斷處點寒鴉。  
椒酒猶新興未闌，更從七日把杯看。  
江山隱現遮難遍，林壑參差畫改觀。  
入夜已知連穀瑞，漏晴忽覺轉春寒。  
紅情綠意含多少，詩客休將白事攤。

客邸書夢二絕

醉眼朦朧抱枕歌，忽然成夢了相思。  
如弓在手無窮力，連射雕翎箭幾枝。  
整鬟掠髮甚殷勤，半欲行雲半住雲。  
囑咐鸚哥休亂講，憑儂揉濕醉紅裙。

月簾花影

幽軒瀟洒逼塵襟，僧皎然花有清香月有陰。  
蘇軾亂襲繡帷風細細，崔署密垂珠箔夜沉沉。  
胡宿一輪皓魄重磨鏡，姚鵠滿地瓊瑤碎剪金。  
王建對此芳容歡宴罷，李峴醉携長袖寫龍吟。  
張仲舉



春日同梁鳴和火內兄過陶然亭

名韉利鎖冷雞園少坐陶然待酒温巧拙百端春鳥  
舌飛揚五色野僧旛手敲佳句雲生榻心悟枯禪月  
到門不向窰臺高處去怕人遙憶莫愁村

桂

誰向岩阿結草堂亭堂開丹桂吐幽芳虞月中仙友

和來種亭世上龍涎不敢香元稹爽逼商飈金粟斂蘇敬

冷凝清露碧枝長宋之問君家伯仲成名早張起勝比燕山

竇十郎楊鵬翼

書悶

聊將詩酒作生涯不向轅門射戟牙清興愛鋤原上  
草實心羞折路傍花人離南國千般寂日落西山一  
抹斜長漂我身非好事只緣時刻玷風沙

留友寓壁上

不下繩牀不出門醒醒夢夢搃昏昏可知小子拳膺  
事徒奉先生一飯恩

画屏壘翠

銀燭秋光冷画屏殷亮軒居渾似子雲亭常建窗開衡嶽

晴空翠殷克簾捲匡廬雨後青劉文山色帶烟迷竹塢李頴

嵐光隨霧落松庭范大怪來詩思清如骨韋應吟倚西風

醉未醒戴時

題三秋多子圖賀友人續絃

桂花香裏正秋三親傍姮娥手內揆榴綴玉樓全實

子萱開金砌盡宜男彩毫又染春山秀錦帳重圍夜

月酣偕老蘿村應一笑風流人物是江南

秋月揚明輝二首

夏雲已變秋月下好尋幽千里人間鏡萬家天上眸

妙景宵為晝奇光受莫酬直須開大甕風露醉山頭

清秋懸皎月

帝里銀為闕足練悟何因印川流莫竭半株老柳歌一點

寒鴉歇絕妙白琉璃閑行踏不缺

書隱佳城

高塚纍纍幾度春嚴維雲和草靜迥無塵宋岩前過客

摩銅秋皇甫陌上行人看石鱗劉禹十里松楸青嶂遠即

半溪山水綠羅新杜牧先生已逝名還在錢起節概爭傳

似古人王初

朱近元索題月照歲寒三友圖

龍飛千丈鳳翔空直引瓊娥出月宮為問歲寒誰識  
此脩然三友大神通

書聲

月出西南露氣秋溫庭筠吾伊聲韻尚悠悠皇甫冉緩隨竹雨

鳴芸閣劉長卿輕逐松風過雪樓宋之問遊子聽時驚旅夢顧况

騷人吟處起鄉愁許渾傳家不必論貧富吳澄教子攻書

是遠謀張子野

下船吟

船頭樓月蓋漁蓑睡到燕山渾水河天上人間剛醒

別一肩行李又隨和

夏木多好鳥

長夏林中木枝頭好鳥多清蔥明壁壘煦暖轉邱阿

語燕翩如剪流鶯織似梭稍稍憑露洒翅翅起風哦

赤影飛光遠青陰集韻和茂時逢

聖主柔翰得觀摩

思歸

日夜思歸泣兩歧不堪寂寞強撐持倚窗怕看梨梢

月南國佳人冷玉姿

大風吟

噫氣揚塵似雪覆花枝  
折損枕欄杆許多寂寞滯情  
思寫作悲歌墨懶乾

自寬

不須惆悵不須嗟道有污時必泰  
嘉試看火烘花縱  
笑何如破臘水仙芽

同陳顓書閒談得一絕

愛柳貪花轉眼過無如把筆畫漁蓑  
因栖燕地渾閒

適故惹詩情酒債多

自白

漫笑沈疇也賦詩意能百鍊更千錘  
斷雲獵處寒猿  
泣凍雪眠時野鶴隨自有才娥簾內品  
不庸俗子管  
中窺昨宵賸墨堪題  
画梅綻山坡瘦幾枝

都中喜晤 貧谷胡老夫子

六年聆誨笈從趨客裏欣逢舊宿儒  
露湛雄文留白  
下風流佳句滿

皇都一羶久讓槐陰覆百里長寬棠蔭敷  
恩浹還期重借

寇好依明照近桑榆

羅菩佈招賞坑上堆菊得二絕

招賞燁然秀發姿何須籬畔問操持辟邪不出三間  
屋傲睨仍空九尺墀

花瘦遲開霜滿天冷香不妬酒中仙團團圍坐同斟  
酌豈肯無詩亂聳肩

喜所見

好花含笑倚闌東不怯春寒細細風絕似可憐清瘦  
客煩他蝶使代疏通

題李敬思画雙飛燕圖

王謝風流未可期飛來花事正濃時雌雄帶剪旋苔  
徑姊妹撩衣渡墨池怕返舊巢增感慨喜翻新式了  
相思呢喃自鬧春光好不計秋分冷落誰

秋日同曹闇章過愍忠寺看秋色

記得通幽一徑斜愍忠寺裏看秋花雞冠妬艷昂頭  
立龍爪爭紅挺臂搯色映徧衫空釋子香生尖韻妙  
詩家歸來旅夢知何處猶傍天台玉洞霞

遂蠅

一刻無寧萬恨生  
痴蠅不省尚營營  
筆投氣鼓傳儒將  
劍掣光搖點墨兵  
急勦出門書入妙  
少容集鼻夢難頑  
于今名譽隨他過  
蚯蚓何勞竅作聲

都中過中秋感吟二絕

未換封侯骨空來望北關  
可憐客館栖那問中秋月  
難謀天子請因著是儒衣  
忽得昨宵夢躊躇歸不歸

雪

西山埋不見潔映一屏鋪  
頃刻紅塵境化為白玉都  
有賓方掃徑無妾亦生爐  
放眼風迴處茫然太古圖

雨窗感吟得二律

細雨和愁對友生  
且斟一盞救腸鳴  
書因抑老無心讀  
釣為乘閒有意擎  
怕看世人眠似柳  
敢傷時事語如鶯  
紫頭堆滿溪藤紙  
逼寫真行暨草行  
不屑同人口舌爭  
厭然獨坐憶南京  
山妻必笑求魚左  
痴子還期画虎成  
且燬文章填易水  
好隨車馬出長城  
又來一陣斜風攪  
攪亂昨宵未了枰

元夜看燈得二絕

傳柑不禁金吾夜  
如蟻遊人興十分  
獨我無聊眠客

館相思南國樂同群

自愧詩慳髭撚斷不能得句  
虛空太平天子張燈  
節萬姓笙歌萬井紅

燕臺除夕吟

一夜年新舊三杯酒送迎  
無眠非守歲怕夢到南京

月夜懷嵩亭上人

詩僧杯渡自南來一錫飄然掛兩鞋  
帶露曇花香我夢倚雲祇樹籠人懷  
酒醜連甕無妨醉肉炙堆盤底  
用埋為問禪心何所似蕭蕭明月冷空階

補窗

補窗何用徧留隙翫花容  
秋氣固當避秋花不易逢  
風吹多歷落月射倍天  
穠拋卷忽為起扶身賴短筇

仲秋見案頭梅放口占一絕

八月從無雪可知放早梅  
天香興憤怨月窟動疑猜

放籠鳥二律

活潑天機籠外深可知  
困鳥盼歸林一聲放出毛干  
抖兩振飛空影百尋  
志動不移求友志心馳無外戀  
羣心他時如遇蓬萊處  
同宿仙巢喜莫禁

雕籠雖小画廊深不少凌雲幾樹林何事哀鳴求釋  
放好憑輕翅任追尋起予開脫無窮意還爾逍遙自  
在心飛僂信能翔後集禍來天上總難禁

題画

一客甚逍遙扶筇過板橋好彈山水曲不肯近塵囂

秋日閒吟

欲澆磊塊胃甕裏汲黃封瘦極菊香久長生竹影重  
車塵親貴顯筆仗出疎慵但把書門閉難將俗子容  
庚寅春陳梅亭歸省予將畫錦堂為題集司以

贈之

馬蹄春去踏晴暉弋鎬定省遙從便道歸解于故里風光

榮畫錦素橋上林景色絢朝衣虞集千端文綺裁冰繭王士

五采明霞織繡機古中

聖主無為稱萬壽虞集山川從此倍增輝祖詠

十一月十五日同梁鳴和大內兄過昆明湖

裂帛波聲銀漢通濼洄一帶繞天宮鏡開魚鳥旋飛  
躍幃掩林巒盡鬱葱得繫雕鞍登浸斗且穿蠟屐過  
垂虹到來無限清遊景猶似春光淑氣中



山腰水腹疊彤樓  
畫槩艤艫佐

聖遊飛出玉泉  
雙白鶴卧來瓊島  
一青牛仙源花近初疑

夢天路雲生倍覺幽  
最愛六橋深鎖處  
况逢今夜月

當頭

過保定蓮花池

池上茅堂喜落成

皇甫冉

朱華清染綠波平

皎然

霞飛孤嶼

沙邊遠

宋之問

日射新粧水底明

李白

鷗鷺雪衣翻曉俗

于武陵

芰荷香柄折秋英

譚用之

華陽舊隱長歸去

許渾

猿鶴相依

夜不驚

楊曼頭

拾蕉根栽館地  
地主王嘯岷見而索賦得二律

千里從君借綠居  
蕉根拾得弄山鋤  
他時好聽三秋

雨此際猶緘一卷書  
客裏愁心希解脫  
月中妙影想

扶蘇芸窗不盡栽培意  
清蔭還同槐蔭俱

窗前最愛綠陰稠  
故種芭蕉近案頭  
卷去寸心承湛

露折來尺素展  
高秋剪裁難供書  
家用澆灌偏醒醉

客眸昨夜西風連  
夢響玉人何處映紅樓

元鳥至

元鳥因時至  
翩翩認舊巢  
穿簾依画棟  
掠水過紅郊

語弄如呼侶影翻似解嘲嫩苔將貼翅暗柳欲遮綃  
昔兆商家瑞今當月令交雙雙飛去遠輕剪却難拋

花朝月夜坐紹宗上人禪室得連環吟四絕

厭厭獨坐老僧房千里羈愁共草長滿地月明蕭寺  
冷教人怎不憶家鄉

教人怎不憶家鄉烏閉樊籠馬繫韁判斷江南花柳  
際紅情綠意也淒涼

紅情綠意也淒涼夜夜朝朝怨沈郎既是功名終不  
就不如歸里理田莊

不如歸里理田莊何必依人向夕陽五色蓬宮雲隔  
斷雄心北上一頭霜

王永福索贈僧官

身似菩提絕點埃終能作宰梵王臺鶴邊有意齊飛  
錫鷗外無心學渡杯管領春風梅子熟主持秋月木  
犀開三千法界忘言象佇見天家賜紫來

重九邀王魯藩梁鳴和至窰臺小飲一律

風雨毫無晚節天也登高處眺爭先丹黃誰染楓林  
色粉黛人簪籬菊鮮屐倦且眠泉上石杯深何惜杖

頭錢而今戀闕思鄉者盡似春蚕作繭纏

和朱龍泉賦得草木萌動原韻

十日陰無一日晴春來草木已勾萌紅情未吐遲人  
醉綠意將申泄鳥鳴不覺雪泥胎故植已融烟野轉  
回生新詩欲倩東皇賞也蟄書笥不釣名

已丑上元同弇雲耿大乙齋王二正陽門外者

燈得三律

一曲陽春夜色增銀花樹擺雪花稜海連水瀉千門  
月天近星飛萬戶燈蘭氣暗隨香輦過爆聲亂逐画

鞭升太平景象傳柑節爛醉歸來酒滿膺

酒思纏綿詩思增何能逐句細摸稜白眼客邸松間

雪紅夢家園梅外燈弛禁金吾驄莫避停催玉漏兔

初升世無陳烈堪為語空使君謨一拊膺

欲買鰲山價欲增解囊不惜費重稜家家子弟爭園

燭户户親朋代掛燈燦矣樓臺明月墜喧然市井火

雲升元宵何處矜三弄吹得梅花落鳳膺

重九舒禹弼得名菊數種而旋送同寅促予為

之一別故作別菊吟一古

五色爛熳何陸離  
傲人照座來幽姿  
司秋玉女吹霜管  
醉月金仙捧露卮  
幾次臨風未細賞  
幾回得酒少新詩  
請問欄畔燁然秀  
發者如何來到飄  
然捨又出園門  
覓主人可憐孤鶴  
叫寒野分明花中  
之巢許屈愁陶笑  
今無侶歲寒梅萼  
定相思秋老芙蓉  
默無語君不見黃  
鵠飛兮下建章金  
作衣兮菊作裳豈  
云竒麗不自愛轉  
送他室添風光知  
君氣概不尋常欣  
然與共一籬香清  
道之品靜者性枕  
囊飲釀夢羲皇吾  
志四方不小受煙  
披雨沐甘居後遣  
僕凜詩再換酒

好餞黃花七八斗  
不枉君家過重九

坐翟三皮局觀缸  
內魚感而賦之

曾記四海遊何來  
一缸戲遊戲本天  
真缸海隨所寄藻  
絆與萍遮不是悠  
然地雷雨及時來  
如爾騰空志遭際  
有亨屯成龍無別  
異雖然海不到不  
失天池意缸中之  
魚莫小視

送劉西岳之任江西

南昌城郭瞰江干  
久待新遷第一官  
操割有餘知信手  
憂勤無倦見忠肝  
兒童策馬謠來晚  
父老牽車願

去難自是片鈇能示介風清竹閣韻珊珊

寄懷於榮先

峨岷嶺上浚同含爾送我行兩不堪冬月懷思從夏

月海南魂夢續江南

團殿 御河橋南北名曰南北海余此時現寓橋南  
八十四宅內故云海南魂夢續江南得此句浚下

况聽

虫語歸根葉又見人騎回獵驂為客可憐多恍惚尺

書封過轉開函

綺繡亭賞芍藥

春色將離綺繡窗不宜獨賞入新腔廣陵有譜同知

貢塞漠無花早耐邦風謔流蘇紅雨護露憐妙鬢彩

雲降繁卿昔日曾為會此日安排酒半甌

和朱龍泉索大智咏黃薔薇原韻二律

長沙花屋幾間寬新染鴛黃色未乾統架恍同舒菊

蕊垂枝錯認墜金丸摘來蜜紙留真易插向緜幃覓

影難相對賞心天欲暮輕煙淡月共團圓

蝶撲蜂黏泥露香薔薇舒色占中央半墻凝蠟撩詩

眼滿架團酥潤酒腸贏得蜀葵傾午日輸他籬菊綻

秋霜看者絕似山家客金作衣兮翹作裳

王嘯岷索賦烏鎔

無敵將軍威莫當  
捷傳小樣更輕颺  
一聲裂漢疾於  
鳥百步穿排利  
過鎗火到信門  
紅閃灼藥行線  
道白  
迷茫誰云狼筓  
真能掃試者連  
環勢更强

水砲

人間回祿漫為殃  
木櫃寬分江海藏  
陸續運來泉不  
斷循環迸出雨  
何長隔樓可使  
疑飛浪入室原  
能信  
激行自有風雲  
相接應九天轉  
徙掛龍腸

反觀吟得二絕

華堂陋室總為家  
草索朝張亦不嗟  
地可轉移人自

在一心善樂永無差

作善從來必降祥  
莫因遲早費思量  
報施到底無遺  
漏只是天公算  
的長

和沈薌嶠閒吟原韻

夢想桃源何處幽  
紅塵今日白人頭  
行踪似雨雲中  
過浪跡如萍水上  
浮異鳥入籠空  
喚友神魚下釜  
枉吞舟一聲長嘯  
還鄉去枕石無妨  
更激流

煉丹嘆

好排爐鼎煉還丹  
幾個飛升說起難  
不若肯心歸極

樂家家門戶透長安

江行書夢

一帆雨打濕傾復斜陽晒江行夢忽醒不離金焦派  
對雪閒吟得四絕

不計來時不計歸披裘歌枕坐重帟長安鎮日無些  
事夢到西山省雪飛

將詩換酒作生涯鳳閣龍樓絕點瑕說與奚童渾不  
解醉魂四處撲梅花

刺船誰畫剡溪圖一路行踪印轉無老樹耐寒偏崛

崛歌斜從未倩人扶

為尋烈士識青蛇踏遍芒鞋破玉沙六尺煖簾輕揭  
起恐驚鸚鵡又呼茶

夏雲多奇峰

靄靄當炎日欣看變幻奇巫山連浩渺野水映參差  
紫芝呈光簇青松帶影移蔽空凝萬態出岫裊千姿  
濃淡摩難準高低望轉疑

堯天人仰慶太史奏祥儀

錦江春

瑤瑟驚絃破夢頻李商錦江春似曲江春鄭谷杜鵑啼血

偏傷客嚴維鸚鵡嫌籠解罵人李山甫草妬閨中鈿杜牧采色之

花迷陌上袖襟塵常建須知此事堪為鑑張祐白髮如絲

日日新李商隱

薔薇洞

一架薔薇滿院香高駢洞中春色自芬芳常建石家錦帳

依然在杜牧金谷紅樓別樣粧陸龜蒙清露濕衣香荏苒杜本

淡煙惹袖翠迷茫趙聿緬懷携妓經遊處楊鵬翼蝶撲蜂黏

正艷陽甘立

送內翰陳梅亭假歸得一古

梅亭績學久相晤在汪莊從遊我叔岳日夕淬其銚

所愧蒹葭質得依玉樹光情好如昆季接硯作花香

恍惚猶昨日余髮獨成霜駘蹇奔異野何以鼓孫陽

金臺風已古伏櫪氣不揚梅亭年少我雲足騁駟

黃珠江山水秀全為一人彰越歲在癸酉弱冠舉於

鄉恩科記辛巳名以葯省芳巳丑棘闈捷黃鵬

列天閭對策太和殿摩空聲琅琅久騰虎

龍彩墨滴雨露滂高選詞林品木天直冠場坐跨青



麒麟口吐白鳳凰遂近

華衮側身郁

紫薇

旁奉

勅允歸省捧

誥侍高堂稚牛而祝祖

華表建魏坊錦衣輝石蹟誰不羨榮昌三月長山路  
花柳襯輿裝其氣更斂抑不見意洋洋足徵遠火器  
勲名未可量旅邸來余別賤貧交不忘南北欣重聚  
詩酒每同行離情何所似葫蘆灣水長心本孟韓契  
跡同蘇李傷但期早旋旆浴日到扶桑仙羹調玉鶻  
恭進 堯座嘗九垓如一葉萬姓同微醜笑展乾  
坤手春風滿旂常而余雖落拓歌頌比華康老骨堪

千里猛志猶四方寒羶豈坐困蜂蝟攢肝腸燕市逢  
市駿應許定行藏握手贈以言千古在詩囊

自嗟三章

嗟予寓燕臺心情未暫開祇緣身是客不見贈言來  
嗟予白髮生不暇計功名惟看兒着子一劫定輸贏  
嗟予未得歸風雨破征衣可憐空兩腋不及鴈南飛

春日北平野外感吟得二絕

到處無花蝶也稀不妨野飲破愁圍西山有意憐南  
客故起閒雲傍我飛

故里情長夢有因他鄉交好話無真曰歸未審歸何  
日溪水桃花別問津

送尹葑溪之天津

蓮幕匆匆又整裝呼童管領入舟航  
留上谷風雲  
壁人赴天津龍虎場一夜嘯歌杯在手  
廿年心事話  
聯牀生憎窗外無情鳥喚出離愁幾許長

賦得杏花消息雨聲中

舊燕歸巢未踏青雨中碎錦漫飄零  
誰來深巷明朝  
賣空負小樓一夜聽寂寞紅淋春尚冷  
依稀粉濕夢

初醒欲知消息江南遠漠漠光陰付酒瓶

柳眼二律

柳眼清新似妙齡可憐千古傍離亭  
豫知名士彈衣  
汁暗識神仙過洞庭空外斜拖春水碧  
煙中遙起曉  
山青偏從綺陌常窺俊豈獨纖腰最娉婷

醉世無如柳眼醒絲絲不索覩圓靈  
絮花飛去寧翻  
白風雨洗來更轉青  
襯得山眉何俊秀  
垂於水面豈  
沉冥自當瞥見三春色  
妙舞柔條肯暫停

書室感懷

功名蹭蹬似馮顛，絆在京華又幾年。有玉難逢工有  
識，無金豈怨画無妍。硯池水響淘班史，筆路花飛落  
薛箋。輸局已成嗟老大，笑看稚子着爭先。

寫悶

東風冉冉拂霜髭，不覺韶光忽轉移。弋鳥有弓傷箭  
折，釣鰲無餌好綸垂。虛情雪已通身解，得意花應透  
骨知。軟步香泥沾屐滑，欲從客燕說相思。

代香泉妓懷人

粉懶塗勻脂懶施，阿儂就枕只淒其。原無野致過桃

葉，那有閒情唱柳枝。恩沐海深終莫報，心盟地久可  
如期。此生未解巫山夢，十二峰頭枉自痴。

集句贈香泉妓

斜倚闌干拂翠翹，韋蟾名花傾國惜妖嬈。宋之問蛾眉掃月

橫，崔曙雙黛雲鬟堆鴉。歷二喬，皇甫閨苑神姑留玉珮。楊英

陽臺仙子贈瓊簫，浦源寫真縱有崔徽筆。劉基隔斷巫山

去路遙。實年

立春宵坐清河道官解感懷

殘冬絕到保陽城，忽又春來鬧送迎。劍缺未彈魚有

味巾車將駕馬無情

欲坐車出轅門看燈  
不意馬先驚跑矣

四門簫鼓歡燈盛千

里關山惱月明在客那堪尤在客况聽蓮社老鐘聲

同尹葑溪看燈

得步春燈令眼新何妨賒酒解前因囊空阿堵應羞  
阮裘敝長安自笑秦是樹光搖星萬戶遍樓聲吹月  
千輪等閑幸遇昇平樂佇望 恩波起涸鱗

尹葑溪索題墨菊

籬下相離遠瓶中早貯秋花飛筆氣活葉挺墨神道  
在圃無雙傲臨墻第一幽不將黃着色大隱豈同流